


大悲佛陀之教義 (續)



The Teachings of The Compassionate Buddha.

柏特博士著
修夫譯

(四) 最高真實超越語言文字

本節內容，乃以摘要之方式，闡示中國禪宗大德希運禪師之教理。希運禪師約生於西曆八四〇年，其教理將禪宗哲學作了或多或少之闡釋。乃對儒官裴休所說，裴休歸依希運禪師為其弟子。

希運禪師之教理，第一步，依據一般人所周知之理論說明惟一心為真。因之闡明必須放棄一切攀緣追求；停止了攀緣和分別，為證得一心之法。此一心之頓悟，於得到時，如電光石火之一閃。

然至此話鋒一轉，與前所述者背異其趣，設為讀者即將識取此心。真實之義，非語言文字所可傳說。此種論斷，甚且嚴酷地應用於佛教中心思想之『法』。佛陀當然深證此義，然他却慈悲為懷，不予明說，而於一些體認傳達之；旨在導人趣向於達成充分證知之地步。然後話鋒又轉，轉向看來毫無道理之禪家機鋒語，不直酬他人之

問，而却使之不敢發問。冀使之悟，知真正之難題不在於起心追問那些不易解答之問題。依賴分別之心情，決定是落在了所求的悟知之外。此類方式之理論，對西方哲學思想而言，簡直是不可想像之挑鬪。

師謂休曰：『諸佛與一切眾生，唯是一心，更無別法。此心無始已來，不會生，不會滅，不青不黃，無形無相，不屬有、無，不計新舊，非長、非短，非大、非小，超越一切限量、名言、蹤跡、對待。當體即是——動念即乖。猶如虛空，無有邊際，不可測度。惟此一心，即是佛，佛與眾生更無別異；但是眾生着相外求，求之轉失。使佛見佛，將心捉心，窮劫盡形，終不可得。不知休念忘慮，佛自現前。此心即是佛，佛即是眾生。為眾生時，此心不滅；為諸佛時，此心不添。』

『乃至六度、萬行、河沙功德，本自具足，不假修添。遇緣即施，緣息即寂。若不決定信此(心)是佛，而欲著相修行以求功用，皆是妄想，與道相乖。此心即是佛，更無別佛，亦無別心。此心明淨猶如虛空，無一點相貌。舉心動念，即乖法體，即為著相；無始已來，無着相佛。修六度萬行欲求成佛，即是次第；無始已來，無次第佛。但悟一心，更無少法可得。此即真佛。佛與眾生，一心無異。』

『此心即無心之心，離一切相。眾生、諸佛，更無差別。但能無心，便是究竟。』

『本佛上實無一物，虛、通、寂、靜，明、妙、安、樂而已。深自悟入，直下便是，更無所欠。縱使三祇精進修行，歷諸地位，及一念證時，祇證元來自佛；向上更不添得一物。卻觀歷劫功用，總是夢中妄為。』

『此本源清淨心，常自圓明徧照，世人不悟，祇認見、聞、覺、知為心。為見、聞、覺、知所覆，所以不親精明本體。但直下無心，本體自現；如大日輪昇於虛空，徧照十方，更無障礙。故學道人唯認見、聞、覺、知，即心路絕無入處。但於見、聞、覺、知處認本心，然本心不屬見、聞、覺、知，亦不離見、聞、覺、知。但莫於見、聞、覺、知、知上起解，亦莫離見、聞、覺、知、知、心，亦莫捨見、聞、覺、知、知法。不即、不離、不住、不著，縱橫自在，無非道場。』

『世人聞道諸佛皆傳心法，將謂心上別有一法可證可取，遂將心覓法；不知心即是法，法即是心；不可將心更求於心，歷千萬劫終無得日。不如當下無心，便是本法。如力士迷額內珠，向外求覓，周行十方終不能得。智者指之，當時自

見本珠如故。故學道人迷自本心，不認為佛，遂向外求覓，起功用行，依次第證，歷劫勤求，永不成就。不如當下無心，決定知一切法本無所有，亦無所得。無依無住，無能無所。不動妄念，便證菩提。及證道時，祇證本心佛。歷劫功用，並是虛修。如力士得珠時，祇得本額珠，不關向外求覓之力。』

『學道人若欲成佛，一切法總不用學；唯學無求無著。無求即心不生，無著即心不滅。不生不滅即是佛。八萬四千法門，對八萬四千煩惱，祇是教化接引門。本無一切法。離即是法。知離即是佛。但離一切煩惱，是無法可得。』

『學道人若欲得真法，但莫於心上著一物。言佛真法身猶若虛空；此是喻法身即虛空，虛空即法身。』

『虛空與法身無異相，佛與眾生無異相，生死與涅槃無異相，煩惱與菩提無異相。離一切相即是佛。凡夫取境，道人取心，心境雙忘，乃是真法。忘境猶易，忘心至難。人不敢忘心，恐落空無撈摸處。不知空本無空，惟一真法界耳。此靈覺性，無始已來，與虛空同壽。未曾生，未曾滅。未曾穢，未曾淨。未曾喧，未曾寂。未曾少，未曾老。無方所，無內外。無數量，無形相。無色相，無音聲。不可覓，不可求。不可以智慧識，不可以言語取，不可以境物會，不可以功用。』

『凡人臨欲終時，但觀五蘊皆空，四大無我，真心無相，不去不來，生時性亦不來，死時性亦不去，湛然圓寂，心境一如。但能如是

直下頓了，不爲三世所拘繫，便是世人也。……

『故菩薩心如虛空，一切俱捨。過去心不可得，是過去捨。現在心不可得，是現在捨。未來心不可得，是未來捨。所謂三世俱捨。自如來付法迦葉以來，以心印心，心心不異。印著空即印不成文，印著物即印不成法。故以心印心，心心不異；能印所印，俱難契會。故得者少。』

『然心即無心，得即無得……如來現世，欲說一乘真法，則衆生不信與謗，沒於苦海。若都不說，則墮慳貪，不爲衆生溥捨妙道。遂設方便，說有三乘。乘有大，得有淺深，皆非本法。故云，唯有一乘道，餘二則非真。然終未能顯一心法。故召迦葉同法座，別付一心，離言說法。此一枝花令別行，若能契悟者，便至佛地矣。』

師云：『道是何物，汝欲修行？』
問：『諸方宗師相承，參禪學道如何？』
師云：『接引鈍根人語，未可作憑。』
云：『此既是接引鈍根人語，未審接上根人復說何法。』
師云：『若是上根人，何處更就人？竟他自己尚不可得，何況更有別法當情？不見教中云，法法何狀？』
云：『若如此，則都不要求覓也。』
師云：『若與麼，則省心力。』

云：『如是，則渾成斷絕，不可是無也。』

師云：『阿誰叫他無？他是阿誰，你擬覓他？』
云：『既不許覓，何故又言莫斷他？』
師云：『若不見，即便休，誰教你斷？你見目前虛空，作麼生斷他？』
云：『此法可得便同虛空否？』

師云：『虛空早晚向你道有同有異？我暫如此說，你便向者裡生解。』
云：『應是不與人生解耶？』
師云：『我不會障你。要且解屬於情，情生則智隔。』
云：『向者裡莫生情，是否？』

師云：『若不生情，阿誰道是？』
問：『纔向和尚處發言，爲甚麼便道話墮？』
師云：『汝自是不解語人，有什麼墮負？』
問：『向來如許多言說，皆是抵敵語，都未曾有實法指示於人？』
師云：『實法無顛倒。汝今問處自生顛倒，覓甚麼實法。』
云：『既是問處自生顛倒，和尚答處如何？』
師云：『你且將物照面看，莫管他人。』又云：『祇如個痴狗相似，見物動處便吠，風吹草木也不別。』
『我此禪宗，從上相承已來，』

不會叫人求知求解。只云學道，早是接引之詞。然道亦不可不學。情存學解，卻成迷道。……

問：『既無依執，當何相承？』
師云：『以心傳心。』
云：『若心相傳，云何言心亦無？』
師云：『不得一法，名爲傳心。若了此心，即是無心無法。』
云：『若無心無法，云何名傳？』
師云：『汝聞得傳心，將謂有可得也。所以祖師云：』

『認得心性時，可說不思議，了了無所得，得時不說知。』
『此時若教汝會，何堪也……』

『你如今一切時中，行、住、坐、臥，但學無心，久久須實得。爲你力量小，不能頓超，但得三年五年，或十年，須得個人頭處，自然會去。爲汝不能如是，須要將心學禪學道，佛法有什麼交涉？故云：』

『如來所說，皆爲化人。』如將黃葉爲金，止小兒啼，決定不實。若有實得，非我宗門下客，且與你有甚麼交涉？故經云：『實無少法可得，名爲阿耨菩提。』若他會得此意，方知佛道魔道俱錯；本來清淨皎皎地，無方圓，無大小，無長短等相，無漏無爲，無迷無悟。』

上堂云：『百種多知，不如無求最第一也。道人是無事，實無許多般心。』
『亦無道理可說，無事散去。』

新書介紹

- 一、五燈會元節引 (本刊代為流通) (劃撥九〇二四)
- 二、無量壽經義疏 (智光老法師親筆選抄影印) (每本臺幣八元)
- 三、阿彌陀經要解講義 (港版·慧遠大師撰) (每本臺幣二十元)
- 四、漢英佛學大辭典 (圓瑛老法師講述) (每本臺幣十一元)
- 五、實用佛學辭典 (臺版影印) (每本臺幣一百元)
- 六、普賢行願品 (梵裝) (港版修訂本道林紙印) (每部五本臺幣一百五十元)
- 七、八識規矩頌釋論 (燙金字摺本大字課誦用) (每本臺幣八元)
- 八、線裝影印王恩洋居士著 (每本臺幣五元)